



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Արաքս համայնք
ՀՀ, Արմավիրի մարզ, գ. Գայ, Ա. Խաչատրյան 1, arags.hamaynq@gmail.com, հեռ.՝ (093)554477

ԱՐՁԱՆԱԳՐՈՒԹՅՈՒՆ N 11

29 դեկտեմբեր 2022 թվական

ԱՐԱՔՍ ՀԱՄԱՅՆՔԻ ԱՎԱԳԱՆՈՒ ԵՐԿՐՈՐԴ ՆՍՏԱՇՐՋԱՆԻ ՉՈՐՐՈՐԴ ՏԵՂԱՓՈԽՎԱԾ ՆԻՍՏԻ

ՀՀ Արմավիրի մարզի Արաքս համայնքի 2022 թվականի երկրորդ նստաշրջանի դեկտեմբերի 28-ի չորրորդ նիստը տեղափոխվել է սույն թվականի դեկտեմբերի 29-ին՝ «Տեղական ինքնակառավարման մասին» ՀՀ օրենքի 16-րդ հոդվածի 3-րդ և 6-րդ մասերի և 64-րդ հոդվածի 3-րդ մասի պահանջների համաձայն:

ՀՀ Արմավիրի մարզի Արաքս համայնքի 2022 թվականի երկրորդ նստաշրջանի դեկտեմբերի 28-ի նիստին ներկայացել էին ավագանու թվով 21 անդամներից 14-ը՝ Հարությունյան Վահրամ, Համբարյան Մելանյա, Շահինյան Շահեն, Մնացականյան Գայանե, Անդրեասյան Հայրապետ, Առաքելյան Արմեն, Մակարյան Մարյամ, Մկրտչյան Սարիբեկ, Պողոսյան Արմինե, Սեփիսանյան Սևան, Մանուկյան Աննա, Միրզախանյան Վարդան, Մարկոսյան Սեյրան, Հակոբ Մելքոնյանը և հաստատել էին նիստի օրակարգը:

Տեղափոխված նիստի ժամանակ դեկտեմբերի 28-ին հաստատված օրակարգային հարցերից հանվել են՝ արդեն իսկ հաստատված «Արաքս համայնքի ավագանու երկրորդ նստաշրջանի օրակարգը հաստատելու մասին» որոշումը:

2022 թվականի դեկտեմբերի 29-ին տեղափոխված նիստին մասնակցում էին ավագանու 21 անդամներից 14-ը՝ Ղազար Ղազարյան, Հարությունյան Վահրամ,

Համբարյան Մելանյա, Նահապետյան Տիգրան, Շահինյան Շահեն, Մնացականյան Գայանե, Առաքելյան Արմեն, Մակարյան Մարյամ, Հակոբ Մելքոնյանը, Պողոսյան Արմինե, Սեփիսանյան Սևան, Մանուկյան Աննա, Միրզախանյան Վարդան, Աբասյան Արայիկ: Նիստը վարում էր ՀՀ Արմավիրի մարզի Արաքս համայնքի ղեկավարի առաջին տեղակալ Վահրամ Հարությունյանը: Նիստին հրավիրված էին Արաքս համայնքի գյուղերի վարչական ղեկավարներ, համայնքի ղեկավարի խորհրդականներ, համայնքապետարանի աշխատակազմի անդամներ:

Համայնքի ղեկավարի առաջին տեղակալ Վահրամ Հարությունյանը ներկայացրեց 2022 թվականի դեկտեմբերի 28-ի արդեն իսկ հաստատված նիստի օրակարգը և ընթացակարգը, որի համար հիմք է հանդիսանում «Տեղական ինքնակառավարման մասին» ՀՀ օրենքի 14-րդ հոդվածի 6-րդ մասը և 65-րդ հոդվածը:

Օրակարգի հարցերն էին՝

1. ԱՐԱՔՍ ՀԱՄԱՅՆՔԻ ԱՎԱԳԱՆՈՒ ԵՐԿՐՈՐԴ ՆՍՏԱՇՐՋԱՆԻ ՉՈՐՐՈՐԴ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ,

Զեկ.՝ Վ. Հարությունյան

2. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ ԱՎԱԳԱՆՈՒ 2022 ԹՎԱԿԱՆԻ ՆՈՅԵՄԲԵՐԻ 14-Ի N 134-Ա ՈՐՈՇՈՒՄՈՎ ՀԱՍՏԱՏՎԱԾ ՀԱՎԵԼՎԱԾՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Զեկ.՝ Վ. Հարությունյան

3. ԱՐԱՔՍ ՀԱՄԱՅՆՔԻ ԱԿՆԱԾԵՆ ԳՅՈՒՂԻ ՎԱՐՉԱԿԱՆ ՏԱՐԱԾՔՈՒՄ ԳՏՆՎՈՂ ՀԱՄԱՅՆՔԱՅԻՆ ՍԵՓԱԿԱՆՈՒԹՅՈՒՆ ՀԱՆԴԻՍԱՅՈՂ ԳԱԶԱՏԱՐԸ ԱՆՀԱՏՈՒՅՑ(ՄՇՏԱԿԱՆ) ՕԳՏԱԳՈՐԾՄԱՆ ԻՐԱՎՈՒՆՔՈՎ ՀՀԳԱԶՊՐՈՄ ԱՐՄԵՆԻԱ>> ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ ՏՐԱՄԱԴՐԵԼՈՒ ՄԱՍԻՆ

Զեկ.՝ Վ.Հարությունյան

4. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՀՀԱՐԱՔՍԻ ՄԻՋՆԱԿԱՐԳ ԴՊՐՈՅ>> ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆԸ ԳՈՒՄԱՐ ՀԱՏԿԱՅՆԵԼՈՒ ՄԱՍԻՆ

Զեկ.՝ Վ. Հարությունյան

5. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ 13 ՄԻՋՆԱԿԱՐԳ ԴՊՐՈՑՆԵՐԻ ԼԱՎԱԳՈՒՅՆ ԱՇԱԿԵՐՏՆԵՐԻՆ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ

Զեկ.՝ Վ. Հարությունյան

6.ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ ԱՐՏԻՄԵՏ ԳՅՈՒՂՈՒՄ ԳՏՆՎՈՂ ՀՈՂԱՄԱՍԻ ՆՊԱՏԱԿԱՅԻՆ ԵՎ ԳՈՐԾԱՌՆԱԿԱՆ ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ ՄԱՍԻՆ

Զեկ.՝ Վ. Հարությունյան

7.ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԱՐԱՔՍ ՀԱՄԱՅՆՔԻ ԳԱՅ ԳՅՈՒՂԻ ՎԱՐՉԱԿԱՆ ՏԱՐԱԾՔՈՒՄ ԳՏՆՎՈՂ 0.2706ՀԱ ԳՅՈՒՂԱՏՆՏԵՍԱԿԱՆ ՆՇԱՆԱԿՈՒԹՅԱՆ ՀՈՂԱՏԱՐԱԾՔԸ ԱՃՈՒՐԴԱՅԻՆ ԿԱՐԳՈՎ ՕՏԱՐԵԼՈՒ ՄԱՍԻՆ

Զեկ.՝ Վ. Հարությունյան

ԼՍԵՑԻՆ 2-րդ հարցը - Հայաստանի Հանրապետության Արմավիրի մարզի Արաքս համայնքի ավագանու 2022 թվականի նոյեմբերի 14-ի n 134-ա որոշումով հաստատված հավելվածներում փոփոխություններ կատարելու մասին:

ԶԵԿՈՒՑԵՑ - Արաքս համայնքի ղեկավարի առաջին տեղակալ Վ. Հարությունյանը, ելույթ ունեցավ համայնքապետարանի քարտուղարության, անձնակազմի, կառավարման, տեղեկատվական տեխնոլոգիաների բաժնի պետ Մ. Ազատյանը:

ՈՐՈՇՎԵՑ - «Հայաստանի Հանրապետության Արմավիրի մարզի Արաքս համայնքի ավագանու 2022 թվականի նոյեմբերի 14-ի N 134-Ա որոշումով հաստատված հավելվածներում փոփոխություններ կատարելու մասին» հանել օրակարգից, քննարկել և ներկայացնել ավագանու հաջորդ նիստին:

Որոշմանը կողմ քվեարկեցին ավագանու նիստին ներկա անդամներից 12-ը:

ԼՍԵՑԻՆ 3-րդ հարցը - «Արաքս համայնքի Ակնաշեն գյուղի վարչական տարածքում գտնվող համայնքային սեփականություն հանդիսացող գազատարը անհատույց (մշտական) օգտագործման իրավունքով <<Գազպրոմ Արմենիա>> փակ բաժնետիրական ընկերությանը տրամադրելու մասին»

ԶԵԿՈՒՑԵՑ - Արաքս համայնքի ղեկավարի առաջին տեղակալ Վ. Հարությունյանը, ելույթ ունեցավ համայնքապետարանի քարտուղարության, անձնակազմի, կառավարման, տեղեկատվական տեխնոլոգիաների բաժնի պետ Մ. Ազատյանը:

ՈՐՈՇՎԵՑ - «Արաքս համայնքի Ակնաշեն գյուղի վարչական տարածքում գտնվող համայնքային սեփականություն հանդիսացող գազատարը անհատույց (մշտական)

օգտագործման իրավունքով <<Գազպրոմ Արմենիա>> փակ բաժնետիրական ընկերությանը տրամադրելու մասին» հարցին կողմ քվեարկել:

Որոշման կողմ քվեարկեցին ավագանու 12 անդամներ:

ԼՍԵՑԻՆ 4-րդ հարցը – «Հայաստանի Հանրապետության Արմավիրի մարզի <<Արաքսի միջնակարգ դպրոց>> պետական ոչ առևտրային կազմակերպությանը գումար հատկացնելու մասին»

ԶԵԿՈՒՑԵՑ - Արաքս համայնքի ղեկավարի առաջին տեղակալ Վ. Հարությունյանը, ելույթ ունեցավ համայնքապետարանի քարտուղարության, անձնակազմի, կառավարման, տեղեկատվական տեխնոլոգիաների բաժնի պետ Մ. Ազատյանը:

ՈՐՈՇՎԵՑ – Հայաստանի Հանրապետության Արմավիրի մարզի Արաքս համայնքի 2022 թվականի հաստատված բյուջեի 9.1.1-ի (Նախադպրոցական ուսուցում) 4657 հոդվածից հատկացնել 1.500.000 (մեկ միլիոն հինգ հարյուր հազար) ՀՀ դրամ:

Որոշմանը կողմ քվեարկեցին ավագանու 12 անդամներ:

ԼՍԵՑԻՆ 5-րդ հարցը – «Հայաստանի Հանրապետության Արմավիրի մարզի Արաքս համայնքի 13 միջնակարգ դպրոցների լավագույն աշակերտներին գումար հատկացնելու մասին»

ԶԵԿՈՒՑԵՑ - Արաքս համայնքի ղեկավարի առաջին տեղակալ Վ. Հարությունյանը:

ՈՐՈՇՎԵՑ – Հայաստանի Հանրապետության Արմավիրի մարզի Արաքս համայնքի 13 դպրոցների լավագույն աշակերտների՝ մեկ շաբաթով Դուբայ մեկնելու, հանգստանալու և վերադառնալու համար 2022 թվականի հաստատված բյուջեի 1.6.1-ի (Ընթացիկ դրամաշնորհի) 4637 հոդվածից հատկացնել 3.565.000 (երեք միլիոն հինգ հարյուր վաթսուհինգ հազար) ՀՀ դրամ:

ԼՍԵՑԻՆ 6-րդ հարցը – «Արմավիրի մարզի Արաքս համայնքի Արտիմետ գյուղում գտնվող հողամասի նպատակային և գործառնական նշանակությունը փոփոխելու մասին»

ԶԵԿՈՒՑԵՑ – Արաքս համայնքի ղեկավարի առաջին տեղակալ Վ. Հարությունյանը, ելույթ ունեցավ Արաքս համայնքի քաղաքաշինության և հողաշինության բաժնի պետ Ավետիք Սենիքերիմանը:

ՈՐՈՇՎԵՑ՝ 1. Տալ համաձայնություն ՀՀ Արմավիրի մարզի Արաքս համայնքի Արտիմետ գյուղի հողերի օգտագործման ժամանակավոր սխեմաներում կատարել փոփոխություն:

2. Ավետիս Հասրաթյանին սեփականության իրավունքով պատկանող 0.089 հա գյուղատնտեսական նշանակության (ծածկագիրը՝ 04-023-0050-0014, գործառնական նշանակությունը՝ այլ հողատեսք) հողամասի նպատակային և գործառնական նշանակությունը փոխել արդյունաբերության, ընդերքօգտագործման և այլ

արտադրական նշանակության և արդյունաբերական օբյեկտներ, գործառնական նշանակությունը՝ գյուղատնտեսական արտադրական:

Որոշմանը կողմ քվեարկեցին ավագանու 12 անդամներ:

ԼՍԵՑԻՆ 7-րդ հարցը – «Հայաստանի Հանրապետության Արմավիրի մարզի Արաքս համայնքի Գայ գյուղի վարչական տարածքում գտնվող 0.2706 հա գյուղատնտեսական նշանակության հողատարածքը աճուրդային կարգով օտարելու մասին»

ԶԵԿՈՒՑԵՑ – Արաքս համայնքի ղեկավարի առաջին տեղակալ Վ. Հարությունյանը, ելույթ ունեցավ Արաքս համայնքի քաղաքաշինության և հողաշինության բաժնի պետ Ավետիք Սենիքերիմանը:

ՈՐՈՇՎԵՑ – 1. Թույլատրել Հայաստանի Հանրապետության Արմավիրի մարզի Արաքս համայնքի Գայ գյուղի վարչական տարածքում գտնվող 04-033-0222-0017 կադաստրային ծածկագրով գյուղատնտեսական նշանակության 0,2706 հա այլ հողատարածքը օտարել աճուրդային կարգով:

2. Աճուրդային կարգով օտարման մեկնարկային գին սահմանել՝ 04-033-0222-0017 ծածկագրով գյուղատնտեսական նշանակության 0,2706 հա այլ հողատարածքի համար 1500000 /մեկ միլիոն հինգ հարյուր հազար/ Հայաստանի Հանրապետության դրամ: Յուրաքանչյուր քայլը սահմանել մեկնարկային գնի 5%-ի չափով: Մասնակցության վճար սահմանել 10000 /տաս հազար/ Հայաստանի Հանրապետության դրամ:

3. Համայնքի ղեկավարին՝ իրականացնել սույն որոշումից բխող համապատասխան գործառույթները, աճուրդն իրականացնելով Հայաստանի Հանրապետության օրենսդրության և համայնքի ավագանու կողմից հաստատված կանոնակարգի համաձայն:

Ավագանու անդամներ Արմինե Պողոսյանը և Աննա Մանուկյանը մասնակցել են ավագանու նիստին և լքել են նիստերի դահլիճը միայն վերջին երկու հարցերի քննարկման ժամանակ: Բացառությամբ վերջին երկու հարցերի՝ արտահայտել են իրենց դիրքորոշումը հարցերի վերաբերյալ՝ կողմ, դեմ կամ ձեռնպահ քվեարկելով: Սակայն հրաժարվում են ստորագրությամբ հաստատել քվեարկության արդյունքները:

ԱՐԱՔՍ ՀԱՄԱՅՆՔԻ ՂԵԿԱՎԱՐԻ Ժ/Պ՝

ԱՐԱՔՍԻ ՀԱՄԱՅՆՔԱՊԵՏԱՐԱՆԻ

ԱՇԽԱՏԱԿԱԶՄԻ ՔԱՐՏՈՒՂԱՐ՝

ՎԱՀՐԱՄ ՀԱՐՈՒԹՅՈՒՆՅԱՆ

ՎԱՐՍԵՆԻԿ ՎԱՐԴԱՆՅԱՆ